


89 წელი თქვენთან ერთად!

89 წლის წინ, 1933 წლის 2 აპრილს გამოვიდა გაზეთების: „თერჯოლის“, „წინსვლის“ და „საკოლმეურნეო სოფლის“ წინამორბედის, გაზეთ „ჩხარის კოლმეურნის“ პირველი ნომერი.
გამოცემის საიუბილეო, 90-ე წელი!



„არს მთის კალთას, სკანდას, სასახლე მეფეთა და ციხე დიდი, დიდშენი“
პანაშუში ბაგრატიონი

თერჯოლა

საზოგადოებრივი გაზეთი • გამოდის 1933 წლიდან • №16 {7069} 15 აგვისტო 2022 წელი • Facebook გაზეთი თერჯოლა

მონიტორინგი მაღალი რანგის სტუმრებთან ერთად...

თერჯოლის მუნიციპალიტეტში მიმდინარე წელს 115 ინფრასტრუქტურული პროექტი განხორციელდება. ძირითადი მიმართულება საგზაო და საგანმანათლებლო ინფრასტრუქტურა, სპორტული მოედნების, ტრენაჟორებისა და სკვერების მოწყობა, სასამართლო სისტემების, მრავალსართულიანი საცხოვრებელი კორპუსების ფასადებისა და ეზოების რეაბილიტაციაა.

ამ ეტაპზე საქართველოს პრემიერ-მინისტრის მიერ ინიცირებული პროგრამის („განახლებული რეგიონები“) ფარგლებში, ქალაქ თერჯოლის ცენტრალური უბნის (რუსთაველის ქუჩა) ურბანული განახლება ინტენსიურად მიმდინარეობს.

პროექტი მოიცავს 5 შენობისა და 2 პარკის რეაბილიტაციას. ცენტრალური უბნის, კერძოდ კი, რუსთაველის ქუჩაზე მდებარე შენობების განახლებას. პროექტის ფარგლებში, შენობების კარ-ფანჯარა იცვლება ახალი იზოპროფილის ვიტრაჟებით, ფასადებზე თბოსაიზოლაციო მასალების გამოყენებით, ძლიერდება მათი ენერგოეფექტურობა, წესრიგდება საფეხმავლო ზოლი და ეწყობა მიმდებარე სკვერები და პარკები, სადაც განახლება ბავშვთა გასართობი სივრცეები.

☛2



ახალი ინფრასტრუქტურული პროექტები

ჩვენს მუნიციპალიტეტში უახლოეს დღეებში დაიწყება საპილოტე რეგიონების ინტეგრირებული განვითარების პროგრამის ფონდიდან დაფინანსებული პროექტების განხორციელება.

თერჯოლის მუნიციპალიტეტის მერმა, ლაშა გოგიაშვილმა ხელი მოაწერა ხელშეკრულებას, რომლის ფარგლებში, ქალაქ თერჯოლაში ამფითეატრი, ხოლო სოფელ ძვერში, მდინარე ძვერულას კარსტულ ხეობაში რეკრეაციული ზონა მოეწყობა.

ქალაქ თერჯოლაში, მერიის ადმინისტრაციული შენობის მიმდებარე არსებული ამფითეატრი სრულად რეაბილიტირდება. პროექტის ფარგლებში მოეწყობა ღია სცენა, დასასვენებელი სკამები, ტრიბუნები, მისასვლელი ბილიკები და განათების სისტემა.



სოფელ ძვერში, პროექტის ფარგლებში დაგეგმილია და მოეწყობა;

—ავტოპარკინგი საგვარჯილეს მიმდებარე ტერიტორიაზე

—საინფორმაციო შენობა

—საპიკნიკე ფანჯატურები

—გამოქვაბულებამდე მისასვლელი ბილიკი

— გადასახედი მდ. ძვერულაზე, გამჭვირვალე კონსტრუქციით;

—შშმ პირებზე ადაპტირებული გარემო

—გარე განათების ქსელი

პროექტის მიზანია, ძვერის ადმინისტრაციული ერთეულში, საგვარჯილეს მღვიმეების მიმდებარე არსებული ტერიტორიის რეკრეაციულ ზონად გარდაქმნა, რაც სოფელს ახალ შესაძლებლობებს შემატებს.



დიდება გმირებს!

14 წელი 2008 წლის აგვისტოს ომიდან

8 აგვისტოს, თერჯოლის მუნიციპალიტეტის მერმა, ლაშა გოგიაშვილმა, საკრებულოს თავმჯდომარემ, გიორგი ბარათაშვილმა და ადგილობრივი თვითმმართველობის წარმომადგენლებმა, 8 აგვისტოს ომში გმირულად დაღუპულ მებრძოლებს პატივი მიაგეს და გმირთა მემორიალები და საფლავები გვირგვინებით შეამკეს.



სასულიერო პირებმა რუსეთ-საქართველოს ომში დაღუპულ გმირთა სულის მოსახსენიებელი პარაკლისი გადაიხადეს. მემორიალზე, ოჯახის წევრები და მეგობრები იმყოფებოდნენ, სადაც მათი გმირობის ისტორიებიც გაიხსენეს.

თერჯოლა არასოდეს დაივწყობს აგვისტოს ომის გმირებს: ვალერი გოგნაძეს, გიგა სახელაშვილს, უშანგი (შმაგი) სოფრომაძეს, ალია ბარდაველიძეს, ბადრი ბასილაძეს!

ადგილობრივი ხელისუფლება ყველაფერს აკეთებს, რომ ომში დაღუპული გმირების ოჯახის წევრებმა იგრძნონ ყურადღება, ზრუნვა და თანადგომა. მერის ინიციატივით, ადგილობრივი ბიუჯეტიდან მათ ოჯახებს ფულადი დახმარება გადაეცათ.


დაღუპულთა სსოვნის პატივსაცემად, სახელმწიფო დროშები დაეშვა ქვეყნის მთელ ტერიტორიაზე არსებულ ადმინისტრაციულ შენობებზე და საზღვარგარეთ საქართველოს დიპლომატიურ წარმომადგენლობებში.

ხელმძღვანელ პირებთან ერთად, გმირთა მემორიალზე და საფლავებზე, მერის მოადგილე, მირზა ქოჩიაშვილი, ღვანკითისა და რუფოთის მაჟორიტარი დეპუტატი, შალვა ჭანკვეტაძე, გოგნის, ძვერისა და ჩხარის მაჟორიტარი დეპუტატი, მანუჩარ ფანჯულიძე, ვეტერანთა საქმეთა სახელმწიფო სამსახურის წარმომადგენელი, ანდრო ვაშაკიძე, მერიის თანამშრომლები, ასევე დაღუპულთა ოჯახის წევრები და მეგობრები იმყოფებოდნენ.

ამბეზი თერჯოლის მუნიციპალიტეტიდან

☛2,3

ლიტერატურული გვერდი
დავით კლდიაშვილის სახელობის პრემიის ლაურეატები



დავით კლდიაშვილი-160

☛5

ამბები თერჯოლის მუნიციპალიტეტიდან

რუბრიკით: „ამბები თერჯოლის მუნიციპალიტეტიდან“, ტრადიციულად გათავაზობთ წერილებს, რომლებიც მომზადებულია საჯაროდ გამოქვეყნებული ინფორმაციების საფუძველზე.

მონიტორინგი მაღალი რანგის სტუმრებთან ერთად...

ასევე, საპილოტე რეგიონების ინტეგრირებული განვითარების პროგრამის ფარგლებში თერჯოლის მუნიციპალიტეტში მიმდინარეობს N3 საბავშვო ბაღის სამშენებლო სამუშაოები, რომელიც დასრულდება 2022 წლის დეკემბერში. პროექტის ღირებულებაა 2 243 845 ლარი. თერჯოლის მუნიციპალიტეტში სოფელ რუფოთსა და ქვედა სიმონეთში დასრულდა

დარტებისა და რეგულაციების მიხედვით. სკოლების რეაბილიტაციის შედეგად შესაძლებელი იქნება სოფელ რუფოთის საჯარო სკოლაში მინიმუმ 200 მოსწავლის, ხოლო ქვედა სიმონეთის საჯარო სკოლაში - 250 მოსწავლის მიღება.

მიმდინარე ინფრასტრუქტურულ პროექტებს საქართველოს რეგიონული განვითარებისა და ინფრასტრუქტურის

მუნიციპალიტეტის მერი, ლაშა გოგიაშვილი, საკრებულოს თავმჯდომარე, გიორგი ბარათაშვილი ადგილობრივი ხელისუფლების წარმომადგენლებთან ერთად ადგილზე გაეცნენ.

პრემიერ-მინისტრის ინიციატივით მიმდინარე პროგრამის „განახლებული რეგიონები“ ფარგლებში, ქალაქ თერჯოლაში რუსთაველის ქუჩაზე არსებული მრავალსართულიანი საცხოვრებელი სახლების, საფეხმავლო ბილიკების, სპორტული ინფრასტრუქტურისა და ბავშვთა გასართობი სივრცის მოწყობის სამუშაოები მიმდინარეობს, გარდა ამისა, რეაბილიტაცია ჩაუტარდა კოსტავას ქუჩაზე არსებულ საცხოვრებელ კორპუსებს.

თერჯოლის მერმა, ლაშა გოგიაშვილმა ხაზგასმით აღნიშნა ის დიდი მხარდაჭერა, რომელსაც მუნიციპალიტეტი საქართველოს მთავრობის, ინფრასტრუქტურის სამინისტროსა და იმერეთში სახელმწიფო რწმუნებულიდან იღებს.

„ძალიან სასიხარულოა, როდესაც ჩვენს მუნიციპალიტეტში მასშტაბური ინფრასტრუქტურული პროექტები წარმატებით ხორციელდება, სამომავლოდ მნიშვნელოვანი სიახლეები იგეგმება, რაც თერჯოლას განვითარების ახალ ეტაპზე გადაიყვანს“ - ლაშა გოგიაშვილი.

მიმდინარე სამშენებლო სამუშაოებს ტენდერში გამარჯვებული კომპანია შპს „დაგი“ ახსორციელებს, რომელიც უახლოეს პერიოდში დასრულდება. სარეაბილიტაციო სამუშაოები, როგორც სახელმწიფო ბიუჯეტის, ისე საერთაშორისო ინსტიტუტების მხარდაჭერით ფინანსდება.



საჯარო სკოლების და შენობების სრული რეაბილიტაცია, წყალ-კანალიზაციის და სახანძრო სისტემის აღდგენა-განახლება, არსებული ფართობის გადაგვემარება შესაბამისი სტან-

დარტების, ირაკლი ქარსელაძე, იმერეთში სახელმწიფო რწმუნებული ზვიად შალამბერიძე, საქართველოს პარლამენტის წევრი, მაჟორიტარი დეპუტატი, ბეჟან ნაქაძე, თერჯოლის



გვიყვარდეს ჩვენი ქალაქი და... ერთმანეთი!

თერჯოლას თავის საკუთარი საზომ-სანონი აქვს...

თავის პენსა და ლაზათს ამზიურებს.

აქ ყველა ყველას იცნობს.

ყველა ყველას ესალმება.

აქ განსხვავებულად, როგორც უფრო თბილად უღიმიან ერთმანეთს ადამიანები...

და, ეს ყველაფერი გვაბედნიერებს.

და, ეს ყველაფერი მოგვიწოდებს უფრო მეტად, უფრო მეტად გვიყვარდეს ჩვენი ქალაქი და... ერთმანეთი!

ჩვენი თერჯოლა ნებისმიერ ტკივილს გვიყუჩებს...

ვალდებული ვართ გვიყვარდეს...

ვალდებული ვართ ვზრუნავდეთ მისთვის.

გვახარებს, რომ აქ, საითაც გაიხედავთ რაღაც მნიშვნელოვანი ხდება, შენდება, მშენდება...

იცვლება არქიტექტურა, სტრუქტურა...

დადიხარ, გიხარია. სურვილი გეუფლება შეუჩერდე, მონანილე გახდე ამ დინამიკის.

ჩვენი თერჯოლა—გმადლობთ, რომ ასეთი ხარ. რომ სიხარულს გვგვრი...

შენ ხვალ უფრო ლამაზი გახდები, როგორ არ გვიხაროდე, როგორ არ ვამაყობდეთ შენით.

მშენებლებო, კეთილ ხმას განვცენთ. თითქოს ჩვენც თქვენთან ერთად ვიდგეთ მაგ ხარაჩოზე; ჩვენც თქვენთან ერთად ვდებდეთ აგურს...

ჩვენი ქალაქის ცენტრში კეთილმოწყობის მოცულობითი სამუშაოები სწრაფი ტემპით მიმდინარეობს. გამრჯე ადამიანები ახალ სახეს სძენენ, ალამაზებენ და ამშვენებენ აქაურობას.

თვალს ახარებს ეს ყველაფერი.

კიდევ ცოტაც და ერთად ვიხილავთ და ვიზიემებთ ჩვენი ქალაქის განახლებულ-გალამაზებულ ცენტრს.

როცა ყველაფერი დასრულდება ერთად გავიაროთ ქალაქის ქუჩებში. ფოტობიექტივით აღვბეჭდოთ ყოველი, რაც ეგრე გვახარებს და გვაბედნიერებს...

მომზადა ნუზნარ ბამყარელიძე

კვლავ ინფრასტრუქტურული პროექტები

ამ დღეებში საქართველოს პარლამენტის წევრმა, თერჯოლის მაჟორიტარმა დეპუტატმა, ბეჟან ნაქაძემ, მუნიციპალიტეტის მერმა, ლაშა გოგიაშვილმა ასევე, საკრებულოს თავმჯდომარემ, გიორგი ბარათაშვილმა მუნიციპალიტეტში მიმდინარე და დასრულებული ინფრასტრუქტურული პროექტები მოინახულეს, ადგილობრივ მოსახლეობას შეხვდნენ, გაეცნენ სოფლებში არსებულ მდგომარეობას, დამატებით საჭიროებებსა და რიგი საკითხების მოგვარების გზებზე იმსჯელეს.

სამუშაო შეხვედრა გაიმართა სოფელ ზედა საზანოში, ზედა და ქვედა სიმონეთში, ასევე ენრის ადმინისტრაციულ ერთეულში.

მიმდინარე წელს, მუნიციპალიტეტის მასშტაბით, 115 ინფრასტრუქტურული პროექტი განხორციელდება.

ამ დროისთვის დასრულებულია სოფელ ზედა საზანოს საბავშვო ბაღის სამშენებლო სამუშაოები.

პროექტის ფარგლებში, თანამედროვე სტანდარტების შესაბამისი ორსართულიანი საბავშვო ბაღი აშენდა, სადაც 100-მდე აღსაზრდელი სკოლამდელ განათლებას ადაპტირებულ და უსაფრთხო გარემოში მიიღებს, გარდა შიდა ინფრასტრუქტურისა, კეთილმოწყობისა და საბავშვო ბაღის ეზოს.

უახლოეს დღეებში დაიწყება ჩიხორი-შიშილაქედის დამაკავშირებელი გზის მშენებლობა.

დასრულდა სოფელ ზედა სი-

მონეთში, სასმელი წყლის მაგისტრალის მშენებლობა. პროექტის ფარგლებში ცენტრალური მაგისტრალი, საქლორატორო ნაგებობა, სატუმბო სადგური და რეზერვუარი მოეწყობა, რომლის შემდეგაც სასმელი წყლით 745 ოჯახი ისარგებლებს.

სრული რეაბილიტაცია ჩაუტარდა ქვედა სიმონეთის მე-2 საჯარო სკოლას.

სკოლის ახალი შენობა თანამედროვე სტანდარტების შესაბამისი, კეთილმოწყობილი და ადაპტირებული იქნება. პროექტის ფარგლებში სკოლას, როგორც კოსმეტიკური რემონტი, ასევე გამაგრებითი სამუშაოები ჩაუტარდა, მოეწყობა ცენტრალური გათბობის სისტემა, ეზო და სპორტული მოედანი.

სოფელ ენერში ახალგაზრდების ჩართულობით მოეწყობა სპორტული ტრენაჟორები და უახლოეს დღეებში დაიწყება „სოფლის მხარდაჭერის“ პროგრამით გათვალისწინებული ინფრასტრუქტურული სამუშაოები, რომლებიც მოსახლეობის ინტერესების შესაბამისად დაიგეგმა.

სამუშაო შეხვედრას მერის მოადგილე, მანუჩარ რობაქიძე, საკრებულოს თავმჯდომარის მოადგილე, დავით გოგბერაშვილი, საკრებულოს წევრი, კობა კაცაძე, ბარდუბისა და ენრის მაჟორიტარი დეპუტატი, გონა ვერულაშვილი, ასევე საქართველოს პარლამენტში მაჟორიტარი დეპუტატის ბიუროს წარმომადგენლები ესწრებოდნენ.



ჩვენი თერჯოლა, რომ უფრო სუფთა და ლამაზი იყოს...

თერჯოლის მუნიციპალიტეტის მერის ლაშა გოგიაშვილის ინიციატივით ქალაქ თერჯოლასა და მის შემოგარენში, კერძოდ, ავტობანის მიმდებარე ტერიტორიაზე ინტენსიურად მიმდინარეობს დასუფთავების სამუშაოები.

გზის განაპირა ადგილებზე ხდება ხეების დაზიანებული ნაწილის, გამხმარი ტოტების მოცილება, ფერდობზე ჯავანარის გაკაფვა და ნარჩენების გატანა.

სამუშაოების მიზანია კეთილმოწყობილი, სუფთა, გარემოს შენარჩუნება და არსებული მწვანე ნარგავების სიცოცხლისუნარიანობის ამაღლება.

დასუფთავების სამუშაოები, მუნიციპალიტეტის მერიის თანამშრომლების, სოციალურად დაუცველი პირების დასაქმების მასშტაბური პროგრამის ფარგლებში ჩართული ბენეფიციარების, ასევე ა(ა)იპ დასუფთავებისა და კეთილმოწყობის სამსახურის ერთობლივი მუშაობით განხორციელდა.



ბიუჯეტის 6 თვის შედეგები საბიუჯეტო წლის წარმატებით დამთავრების კარგი წინაპირობაა...

მიმდინარე წლის 3 აგვისტოს გაიმართა თერჯოლის მუნიციპალიტეტის საკრებულოს მორიგი სხდომა, რომელმაც რამდენიმე გეგმიური და მიმდინარე საკითხი განიხილა.

საკრებულოს სხდომას უძღვევოდა საკრებულოს თავმჯდომარე გიორგი ბარათაშვილი.

საკრებულოს სხდომაზე წარმოდგენილ და განსახილველ საკითხთა შორის იყო ინფორმაცია, თერჯოლის მუნიციპალიტეტის 2022 წლის ბიუჯეტის ორი კვარტლის შესრულების შესახებ, რომელიც წარმოდგენილი ფორმით ცნობად მიიღეს საკრებულოს დეპუტატებმა.

საკრებულოს სხდომის შემდეგ, მერიის საფინანსო-საბიუჯეტო სამსახურის ხელმძღვანელმა ავთანდილ ურიადყოფელმა ჩვენთან საუბარში განაცხადა: „ბიუჯეტის

ექვსი თვის შედეგები, რაც მუნიციპალიტეტმა აჩვენა, იმის დასტურია, რომ მუნიციპალიტეტის თვითმმართველობამ—მისმა საკანონმდებლო ხელისუფლებამ—საკრებულომ და აღმასრულებელმა ორგანომ—მუნიციპალიტეტის მერიამ, მათმა ხელმძღვანელებმა და სამსახურებმა სწორად და მიზანმიმართულად იმუშავეს, რომ არა მარტო სრულად დაგვეფინანსებინა ექვს თვეში გაწეული ხარჯები, არამედ შეგვექმნა მყარი ბაზა წლის წარმატებით დასრულებისათვის. სამომავლო განწყობა მერიისა და საკრებულოს ყველა დონეზე ოპტიმისტურია, რაც იმის გარანტიაა, რომ თამამად შეიძლება წინასწარვე ვთქვათ—თერჯოლის მუნიციპალიტეტი წარმატებით შეასრულებს მუნიციპალიტეტის 2022 წლის ბიუჯეტის შემოსავალ-გასავლის ყველა გეგმიურ პარამეტრს და თერ-

ჯოლის მუნიციპალიტეტი საქართველოს იმ მონინავე მუნიციპალიტეტთა რიცხვში იქნება, რომლებიც წარმატებით დაასრულებენ საბიუჯეტო 2022 წელს.

აქვე გთავაზობთ ინფორმაციას თერჯოლის მუნიციპალიტეტის 2022 წლის ბიუჯეტის ექვსი თვის შესრულების შესახებ,

თერჯოლის მუნიციპალიტეტის 2022 წლის ბიუჯეტი, რომელიც დამტკიცებულია მუნიციპალიტეტის საკრებულოს 2021 წლის 14 დეკემბრის N21 დადგენილებით, თავდაპირველად განსაზღვრული იყო 13500.0 ათასი ლარით.

2022 წლის ექვს თვეში ბიუჯეტის ცვლილება 6-ჯერ განხორციელდა და ბიუჯეტის მოცულობა განისაზღვრა 25138.3 ათასი ლარით.

ბიუჯეტის ექვსი თვის შემოსულობების ანალიზი

თერჯოლის მუნიციპალიტეტის 2022 წლის ბიუჯეტის ექვსი თვის ფაქტიურმა შემოსავლებმა 12847.2 ათასი ლარი შეადგინა, რაც წლიური გეგმის (25138.3 ათასი ლარი) 51,1%-ია.

მუნიციპალიტეტის ბიუჯეტის ექვსი თვის ფაქტიურ შემოსავლებში (12847.2 ათასი ლარი), სავადასახადო შემოსავლების ხვედრითი წილი 7012.5 ათას ლარს, ანუ 54,5 %-ს შეადგენს. არასავადასახადო (სხვა) შემოსავლების ხვედრითი წილი 403.4 ათას ლარს, ანუ 3,1 %-ს. გრანტების სახით მიღებული შემოსავლები 3623.4 ათას ლარს, ანუ 8,2%-ს. არაფინანსური აქტივების კლებიდან შემოსავლები შეადგენს 128.6 ათას ლარს.

ფაქტიური შემოსავლების ანალიზიდან ჩანს, რომ 2022 წლის ექვსი თვის ფაქტიურ შემოსულობებში მუნიციპალიტეტის ბიუჯეტში აკუმულირებული შემოსავლებიდან მნიშვნელოვანი ხვედრითი წილი 7012.5 ათას ლარი (54,5%) სავადასახადო შემოსავლებს უჭირავს. დამატებული ღირებულების გადასახადის სახით ჩარიცხულია 5223.2 ათასი ლარი. დელეგირებული უფლებამოსილების განსახორციელებლად მიზნობრივი ტრანსფერის სახით ჩარიცხულია 729.0 ათასი ლარი, რაც წლიური გეგმიური მოცულობის (819.0 ათასი ლარი) 89,0%-ია. სახელმწიფო ფონდებიდან ტრანსფერების სახით შემოსავლები ბიუჯეტში ჩარიცხულია 2894.4 ათასი ლარის ოდენობით. წლიური გეგმიური მაჩვენებელი ამ სახით გათვალისწინებულია 8476.3 ათასი ლარი.

თავის მხრივ, სახელმწიფო ფონდებიდან მისაღები ტრანსფერები მუნიციპალიტეტის ბიუჯეტში ინფრასტრუქტურის განვითარებისათვის განსაზღვრულია „რეგიონში განსახორციელებლად პროექტზე“ 7586.3 ათასი ლარი, საქართველოს მთავრობის განკარგულებით სხვადასხვა სახის პროექტებისათვის გათვალისწინებულია 200.0 ათასი ლარი, ხოლო სოფლის მხარდაჭერის პროგრამაზე -690.0 ათასი ლარი.

2022 წლის ექვს თვეში საკუთარი (სავადასახადო და არასავადასახადო) შემოსავლები განსაზღვრული იყო 5935.6 ათასი ლარით. ფაქტიურმა მაჩვენებელმა 7544.5 ათასი ლარი შეადგინა, რაც 1608.9 ათასი ლარით აღემატება გეგმით გათვალისწინებულ მაჩვენებელს.

საკუთარ შემოსავლებში სავადასახადო შემოსავლების გეგმა შეადგენდა 5454.1 ათას ლარს, რომელიც ნაწილდება მინის გადასახადზე (20.0 ათასი ლარი), დამატებული ღირებულების გადასახადზე (4433.9 ათასი ლარი) და სანარმოთა ქონების გადასახადზე (1000.0 ათასი ლარი).

2022 წლის ექვს თვეში არასავადასახადო შემოსავლების გეგმა-დავალბა მუნიციპალიტეტის ბიუჯეტში გათვალისწინებული იყო 354.5 ათასი ლარი, შესრულებამ შეადგინა 403.4 ათასი ლარი, რაც 48.9 ათასი ლარით აღემატება დაგეგმილს.

არაფინანსური აქტივების კლებიდან შემოსავლები ჩარიცხულია 126.8 ათასი ლარის ოდენობით.

თერჯოლის მუნიციპალიტეტის 2022 წლის ბიუჯეტის ექვს თვეში შემოსავლების შესრულება გადასახადების ცალკეული სახეების მიხედვით ასეთია:

ა) სანარმოთა ქონების გადასახადი შესრულდა-177,2%-ით (გეგმა -1000.0 ათასი ლარი, ფაქტი - 1772.1 ათასი ლარი).

ბ) ფიზიკურ პირთა ქონება ჩარიცხულია 0.2 ათასი ლარი.

გ) სასოფლო მიწაზე გადასახადი შესრულდა-105,8%-ით (გეგმა -17.0 ათასი ლარი, ფაქტი - 18.0 ათასი ლარი).

დ) არასასოფლო მიწაზე გადასახადი არ ჩარიცხულა.

ე) დამატებული ღირებულების გადასახადი -117,8%-ით (გეგმა- 4433.9 ათასი ლარი, ფაქტი - 5223.2 ათასი ლარი).

ვ) დეპოზიტებზე და ანგარიშებზე პროცენტები ჩარიცხულია 58.7 ათასი ლარი.

ზ) მოსაკრებელი ბუნებრივი რესურსებით სარგებლობისათვის-100,4 %-ით (გეგმა -161.0 ათასი ლარი, ფაქტი - 161.7 ათასი ლარი).

თ) ჯარიმები, სანქციები, საურავები-101,8 %-ით (გეგმა -60.0 ათასი ლარი, ფაქტი - 61.1 ათასი ლარი).

ი) სხვადასხვა არასავადასახადო შემოსავლები - 161,4%-ით (გეგმა - 75.5 ათასი ლარი, ფაქტი -121.9 ათასი ლარი).

თერჯოლის მუნიციპალიტეტის 2022 წლის ბიუჯეტის 6 თვის გადასახდელების ანალიზი

თერჯოლის მუნიციპალიტეტის 2022 წლის ბიუჯეტის ექვსი თვის გადასახდელების გეგმა შეადგენს 10789.0 ათას ლარს, ფაქტიურად მუნიციპალიტეტის ბიუჯეტის სავადასახადო ნაწილი დაფინანსებულია - 10789.0



ათასი ლარით, ანუ გეგმა შესრულებულია 100,0%-ით.

მუნიციპალიტეტის 2022 წლის ბიუჯეტის ექვსი თვის გადასახდელებში საერთო დანიშნულების სახელმწიფო მომსახურება დაფინანსებულია - 100,0 %-ით, ანუ - 1982.2 ათასი ლარით (გეგმა- 1982.2 ათასი ლარი; ფაქტი -1982.2 ათასი ლარი).

თავდაცვის ხარჯები დაფინანსებულია - 77.6 ათასი ლარით (გეგმა 77.6 ათასი ლარი; ფაქტი - 77.6 ათასი ლარი). გეგმა შესრულებულია 100,0 %-ით.

ეკონომიკური საქმიანობა დაფინანსებულია - 1174.8 ათასი ლარით (გეგმა - 1174.8 ათასი ლარი; ფაქტი -1174.8 ათასი ლარი).

გარემოს დაცვა (თერჯოლის დასუფთავებისა და კეთილმოწყობის სამსახური) დაფინანსებულია -1328.1 ათასი ლარით (გეგმა - 1328.1 ათასი ლარი; ფაქტი - 1328.1 ათასი ლარი). გეგმა შესრულებულია - 100,0%-ით.

საბინაო კომუნალური მეურნეობა დაფინანსებულია - 1564.2 ათასი ლარით (გეგმა - 1564.2 ათასი ლარი; ფაქტი -1564.2 ათასი ლარი). გეგმა შესრულებულია - 100,0%-ით.

კომუნალური მეურნეობის განვითარება დაფინანსებულია 298.1 ათასი ლარით (გეგმა -298.1 ათასი ლარი, ფაქტი 298.1 ათასი ლარი). გეგმა შესრულებულია 100,0%-ით.

წყალმომარაგება დაფინანსებულია - 914.0 ათასი ლარით (გეგმა - 914.0 ათასი ლარი;

ფაქტი -914.0 ათასი ლარი). გეგმა შესრულებულია -100,0% ით.

გარე განათება დაფინანსებულია - 241.3 ათასი ლარით (გეგმა - 241.3 ათასი ლარი; ფაქტი - 241.3 ათასი ლარი). გეგმა შესრულებულია -100,0 % ით.

სხვა არაკლასიფიცირებული საქმიანობა საბინაო კომუნალურ მეურნეობაში დაფინანსებულია - 110.8 ათასი ლარით (გეგმა - 110.8 ათასი ლარი; ფაქტი -110.8 ათასი ლარი).

ჯანმრთელობის დაცვა დაფინანსებულია -63.2 ათასი ლარით (გეგმა -63.2 ათასი ლარი; ფაქტი - 63.24 ათასი ლარი). გეგმა შესრულებულია- 100,0 %-ით.

საზოგადოებრივი ჯანდაცვის მომსახურება დაფინანსებულია - 63.2 ათასი ლარით.

დასვენება, კულტურა და რელიგია დაფინანსებულია - 867.0 ათასი ლარით (გეგმა -867.0 ათასი ლარი; ფაქტი - 867.0 ათასი ლარი). გეგმა შესრულებულია - 100,0%-ით.

მომსახურეობა დასვენებისა და სპორტის სფეროში დაფინანსებულია - 293.1 ათასი ლარით (გეგმა - 293.1 ათასი ლარი; ფაქტი - 293.1 ათასი ლარი). გეგმა შესრულებულია - 100,0 პროცენტით.

სპორტული სკოლა და სპორტულ-გამაჯანსაღებელი მუნიციპალური ცენტრი დაფინანსებულია 291.6 ათასი ლარით. სპორტული ღონისძიებები დაფინანსებულია 1.5

ათასი ლარით, სკოლამდელი აღზრდის დაწესებულებების ხარჯები დაფინანსებულია - 1567.9 ათასი ლარით, სკოლამდელი აღზრდის დაწესებულებების რეაბილიტაცია, მშენებლობა დაფინანსებულია 843.1 ათასი ლარით.

ზოგადი განათლება დაფინანსებულია 763.6 ათასი ლარით (გეგმა - 763.6 ათასი ლარი; ფაქტი - 763.6 ათასი ლარი). მოსწავლე-ახალგაზრდობის მოქალაქეობრივი და ესთეტიკური აღზრდის მუნიციპალური ცენტრი დაფინანსებულია - 124.6 ათასი ლარით, საშუალო სკოლებში ინფრასტრუქტურის მოწყობა და მოსწავლეთა ტრანსპორტირება დაფინანსებულია 639.0 ათასი ლარით.

სოციალური დაცვა დაფინანსებულია - 501.7 ათასი ლარით (გეგმა - 501.7 ათასი ლარი; ფაქტი - 501.7 ათასი ლარი). გეგმა შესრულებულია - 100,0%-ით.

2022 წლის ბიუჯეტის წლიური სარეზერვო ფონდი დაგეგმილია - 60 800 ლარით და გაიხარჯა - 27400 ლარი.

კრედიტორული დავალიანება არ ირიცხება, ხოლო დეფიტორული დავალიანება შეადგენს -10.0 ათასი ლარს. ასევე, გრძელვადიანი ვალდებულება არის - 113.5 ათასი ლარი.


თერჯოლის მუნიციპალიტეტში საქართველოს მთავრობის 2017 წლის N2712 განკარგულებით, სტიქიით მიყენებული ზარალის სალიკვიდაციოდ მიღებული დაფინანსებიდან 2022 წელს გაიხარჯება 17.2 ათასი ლარი და უკვე გახარჯულია 23 ათასი ლარი.

საქართველოს მთავრობის 2022 წლის 17 იანვრის №75 განკარგულებით თერჯოლის მუნიციპალიტეტს „საქართველოს რეგიონებში განსახორციელებელი პროექტების ფონდიდან“ 2022 წელში გამოეყო დაფინანსება -2941.1 ათასი ლარი. მათ შორის: ღვაწკითი-ავტობანის საავტომობილო გზის რეაბილიტაცია დაფინანსდება 709.5 ათასი ლარით და შესრულებულია 709.5 ათასი ლარის სამუშაოები; სოფ. ზედა საზანოში საბავშვო ბაღის შენობის სამშენებლო სამუშაოები დაფინანსდება 616.4 ათასი ლარით და შესრულებულია 394.4 ათასი ლარის სამუშაოები; სოფ. ახალთერჯოლის სასმელი წყლის სისტემის მოწყობა დაფინანსდება 760.0 ათასი ლარით და შესრულებულია 760.0 ათასი ლარის სამუშაოები; სოფ. თავასა-თუზის დამაკავშირებელი გზის რეაბილიტაცია დაფინანსდება 505.2 ათასი ლარით და შესრულებულია 159.4 ათასი ლარის სამუშაოები; ქ. თერჯოლაში პუშკინის ქუჩაზე არსებული გზის რეაბილიტაცია დაფინანსდება 222.4 ათასი ლარით და შესრულებულია 222.4 ათასი ლარის სამუშაოები. გოგინი-ტყიბულის დამაკავშირებელი გზის რეაბილიტაცია დაფინანსდება 127.7 ათასი ლარი.

ასევე, საქართველოს მთავრობის 2021 წლის 16 აგვისტოს №1419 განკარგულებით თერჯოლის მუნიციპალიტეტს საპილოტე რეგიონების ინტეგრირებული განვითარების პროექტების ფონდიდან გამოეყო დაფინანსება 4645.2 ათასი ლარი, რომლითაც დაფინანსდება: ტურისტებისათვის, ბუნების და მემკვიდრეობის ძეგლებთან დაკავშირებული ინფრასტრუქტურის განვითარების ფარგლებში, სოფელ ძვერში სავარჯილეს მღვიმეების მიმდებარედ არსებული რეკრეაციული ზონის მოწყობა 1214.5 ათასი ლარით; სოციალური ინფრასტრუქტურის განვითარება და მოდერნიზაციის მიზნით, ქ.თერჯოლაში მერიის ადმინისტრაციული შენობის მიმდებარედ არსებული ლია აფხეთაბრის, მის მიმდებარედ არსებული შენობა - ნაგებობების ფასადებისა და სკვერის მოწყობა-რეაბილიტაცია 1082.7 ათასი ლარი და ქალაქ თერჯოლის მესამე საბავშვო ბაღი, რომელზეც დაიხარჯება 2348.0 ათასი ლარი.

ლიტერატურული გვერდი

გაგაცნობთ დავით კლდიაშვილის პრემიის ლაურეატს თეიმურაზ ლანჩავას



დავით კლდიაშვილი-160

თეიმურაზ ლანჩავა დაიბადა 1947 წელს. 1965 წელს დაამთავრა ქუთაისის მე-4 საშუალო სკოლა, 1966 წელს—გიორგი მაისურაძის სახელობის სამხატვრო სასწავლებელი, 1971 წელს—ქუთაისის სახელმწიფო პედაგოგიური ინსტიტუტის ისტორია-ფილოლოგიის ფაკულტეტი.



მუშაობდა ლადო მესხიშვილის სახელობის სახელმწიფო დრამატულ თეატრში სალიტერატურო ნაწილის გამგედ, გამომცემლობა „საქართველოს“ ქუთაისის ფილიალის მთავარ რედაქტორად, გაზეთ „ქუთაისის“ რედაქტორის მოადგილედ.

იყო გაზეთ „ახალგაზრდა კომუნისტისა“ და ჟურნალ „ნიანგის“ კორესპონდენტი. 1975 წლიდან საქართველოს მწერალთა კავშირის წევრია. 1989 წელს აირჩიეს საქართველოს მწერალთა კავშირის იმერეთის სამხარეო ორგანიზაციის თავმჯდომარედ, რომელმაც 1995 წელს დააარსა სახელობითი ლიტერატურული პრემიები: პოეზიაში — ლადო ასათიანის, ტიცინან ტაბიძის, ტერენტი გრანელის, ანა კალანდაძის; პროზაში — დავით კლდიაშვილის,

ნიკო ლორთქიფანიძის, ნოდარ დუმბაძის, პუბლიცისტიკაში — ნიკო ნიკოლაძის; ფერწერაში — დავით კაკაბაძის.

1990 წელს დააარსა მწერალთა და ხელოვანთა გაზეთი „უქიმერიონი“ და

დღემდე მისი მთავარი რედაქტორია.

1997 წელს დაჯილდოვდა ღირსების ორდენით.

თ. ლანჩავას ნოველები თარგმნილია რუსულ, უკრაინულ, აფხაზურ, სომხურ და ინგლისურ ენებზე. მისი პიესა „აქვე, ახლოს“ 1988-89 წლებში დაიდგა ლადო მესხიშვილის სახელმწიფო დრამატულ თეატრში.

1999 წელს მიენიჭა ვაჟა-ფშაველას სახელობის პრემია. არის საქართველოს მწერალთა საერთო-ეროვნული კავშირის და აკაკი წერეთლის სახელობის, გიორგი ლეონიძის, ასევე ოთარ და ნიკო ნიკოლაძის სახელობის პრემიების ლაურეატი.

2001 წელს აირჩიეს ქ. ქუთაისის საპატიო მოქალაქედ.

2005 წლიდან არჩეულია საზოგადოება „ქუთაისელის“ ვიცე-პრეზიდენტად.

გამოცემული აქვს ნიგნები (პროზა): „ჩემი მხიარული მონაცემილობა“, „გზა მზისკენ მიდის“, „ზამთრის თეთრი მერცხლები“, „ჩემი სიკვდილის სინათლე“, „ვიღაც იძახდა ჭიშკართან“, „ჩამქრალი ვულკანი“, „გარდასულ დღეთა უსასრულობა“, „ერთი ნაბიჯი ზღაპრამდე“, „დაუძინებლად ნანახი სიზმრები“, „ზეცის საიდუმლო“, ნოველები ერთტომეული.

პოეზია: „ამღვრეული ფერები“, „ბედნიერი ხარ უსასრულობით“, „გალობა იდუმალებით“, „მიუწვდომელი ხარ ძლიერ ახლოს“, პოეზიის ერთტომეული.

ომი იყო...

რაც წამოიზარდა, ერთხელაც არ ჩაუხედავს სარკეში. ათი წლის წინათ გადაღებული სურათიც ცეცხლს მისცა და მოისვენა.

გრძნობდა, მისი მსგავსი მაიმახი ერთი არ დადიოდა ქალაქში, ამიტომაც გაურბოდა, ერიდებოდა ხალხს.

ჭორფლიანი, ნაყვავილარი სახე ჰქონდა, ღორის ნაჩიქნით დაზღმურტლული ნიკაპი, ელამი თვალები და ნაცვლად წარბებისა, შეუმწნეველი, ყვითელი ბუსუსები. მუდამ პირმოკუმულს, ტუჩების ადვილზე ერთი სწორი ხაზი აჩნდა. გვარიანად გამელოტებულ თავზე სათესლე კარტოფილის ბოლქვივით აჯდა მეჭეჭი. განწვრილებულ კისერზე აქეთ-იქით წურბელასავით შეჰყოლოდა ორი იისფერი ძარღვი.

სუსტი იყო. იდაყვებდაცრეცილ პიჯაკში საფრთხობელასავით მიაქნევდა ჩხირივით ხელებს და მძიმე შუაზე გადაჭრილ ჩექმებს დიდი ვაი-ვაგლახით მიათრევდა.

არავინ ჰყავდა სარჩენი, არც მარჩენალი.

გზაზე ჩავლილს ყველა თვალს არიდებდა, მხოლოდ პატარები, რომლებმაც ჯერ კიდევ არ იცოდნენ შიში, უცინოდნენ და მითით-ორილა კამფეტი მუდამ ჰქონდა მათთვის.

დილით ადრე, ქალაქის თავში ხვდებოდა მზის ამოსვლას, ღამით, ქალაქის ბოლოში ასტრონომის თვალით მისჩერებოდა ამოგორებულ მთვარეს.

როცა მზეს სითბო ეკარგებოდა, ცეცხლფარეშად მუშაობდა ერთ პატარა ქარხანაში. გამოზაფხულზე ტყეში მიდიოდა და ტყისმჭრელობდა. „ეი, ბიჭოს“ ისე იყო შეჩვეული სხვაგვარ დაძახებაზე არც მოიხედავდა. ხელფასი პაპიროსსა და პურში ეხარჯებოდა. თუ რამე გადარჩებოდა ძველთაძველ ზანდუკში ჭუჭქნიდა და ინახავდა.

ომის დროს ქალაქში გამეფებული შიმშილობა სრულებით არ უგრძვნია, პატარა ბიჭებთან ერთად ახლა დიდებიც აღარ ერიდებოდნენ და თავის სამყოფილა რჩებოდა სიმწრით ნამოვნი პურიდან.

იმ დასახლებაში, სადაც ერთი კარგი-მიმპალი ოთახი მასაც ეკუთვნოდა, ძირითადად მუშები ცხოვრობდნენ, ისეთი მუშები, ყველაფრის ერთგულებას რომ ამჟღავნებდნენ და მოსახლეობის გამრავლებაში თავიანთი წვლილი შეჰქონდათ თავს ზემოთ მონახული ძალით.

ქუჩა პატარა, ფინური ბინით იწყებოდა, სადაც ერთი ლეიტენანტი ცხოვრობდა. თვითონ მამაკაცი, გარდა იმისა, რომ სამხედრო მოსამსახურე იყო, იმითაც იქცევდა ყურადღებას, ლამაზი ცოლ-შვილი ჰყავდა და მისი სილამაზე იმ უბანში ვერ ეტეოდა. როცა კაცი ომში წაიყვანეს, ცოლს წყლიანი, რაღაცის-მთქმელი თვალებით დაშორდა.

მკვრდასავსე იყო შავგრემანი ქალი, პატარა ბიჭს ეღეჭა თუ არა მისი ბარაქიანი მკერდი, სრულებითაც არ ეტყობოდა. მრგვალი, ხორცსავსე ფეხები ჰქონდა და განიერ თეძოებს ოფოფის კუდივით დაატარებდა.

ტყვილად ჯავრობდა ომში მიმავალი ლეიტენანტი. ყველა სალი მამაკაცი მათან ერთად გაუყენეს გზას, მარტო მაიმახი შემორჩა იმ უბანს და ერთი კუზიანი, ცალთვალა მეპურე. იმას დამბლა დაეცა და ნახევარი მხარე მდულარემინასხამ ხესავით გაუღმა.

შიშშილობდა ქალაქი. ათასობით გაუმადლარი კუჭი ნერწყვით იქცევდა თავს.

ერთხელ, როცა დაღლილი მაიმახი შინ ბრუნდებოდა, ნახევრად ჩამოგდებულ ჭიშკართან ლეიტენანტის ცოლი შენიშნა, უღალატა თავის ჩვევას და ჩვეულებრივზე ნელი ნაბიჯით წამოსულმა, ქალი თავიდან ფეხებამდე აათვალაიერ-ჩაათვალაიერა. იმ წუთში იმნაირი კაცის გამოხედვა ჰქონდა, ძალიან რომ უნდა, მონონებული ნივთი იყიდოს, მაგრამ გრომ-კაპიციც არ გააჩნია. ელამმა თვალებმა შეამჩნიეს, შუბლზე ჩამოყრილი თმების ქვეშ სევდიანმა თვალებმა რომ გაუცინეს, თუმცა, ვერ გაარჩია, უცინოდნენ თუ დასცინოდნენ.

იმ საღამოს მასთან ლეიტენანტის პატარა ბიჭი მივიდა, შიმშილით გამწვანებულ მუცელზე ჩაცურებული შარვალი ამოინია და მისიკვილებული ხმით უთხრა:

— მშია, ბიძია!

სიტყვა „ბიძია“ მეტი არაფერი გაპკვირვებია მაიმახს, ყური ხომ არ მატყუებსო, თვალები უფრო დააეღამა.

— გშია? — თქვა და პატარა ბიჭმა დაინახა, მის მეჩხერ კბილებს შიგნით როგორ აბლუკუნდა ენა.

— ჰო, ბიძია!

მაიმახმა ძველთაძველ ზანდუკს თავი ახადა, ფული ამოიღო და ბიჭს გაძვალტყავებულ ხელში მიაჩენა პურის ნატეხთან ერთად.

იმ ღამეს მშვიერი დარჩა მაიმახი, დაღლილი და მშვიერი. დილით ჭიშკართან ჩავლილს ისევ გაუცინა შავგრემანმა ქალმა. მაიმახს ტანში ყრუანტელამა დაურბინა. დაკემსილი შარვალი გაისწორა და უხერხულად შეიმშუმნა.

მერე მთელი კვირა აღარ გამოჩენილა ბიჭი, არც ის ქალი დაუნახავს.

მიდებდა თუ არა თავს ბალიშზე, ეჩვენებოდა, თითქოს ლეიტენანტის ცოლი ხარხარებდა მისი დანახვისას, თვალებიდან ცრემლები გადმოსდიოდა და შიშველ მაიმახს ეს ცრემლები აბანოში უეცრად მოშვებული ცხელი წყალივით უფუფქავდა ჭორფლიან სხეულს.

იმ ღამეს განუწყვეტილ თოვდა. წინა ღამით მოყინულ თოვლს ბარაქა მიეცა და სამსახურიდან დაბრუნებულმა მაიმახი ძლივს მიიკვლევდა გზას. ბუხრის მილს უთვალთვალა, იქიდან ამოსულ კვამლს რომ ვერ მოჰკრა თვალი, ხელი ჩაიქნია და გზა განაგრძო.

სახლის კართან ქარს თოვლის ზვინი დაეღვა. ჯერ ფეხით გასწი-გამოსწია, მერე, როცა ჩექმის ყელი თოვლით გაეცსო, ღობეს ძველი ფიცარი მიაშტვრია და გადახვეტა.

საშინლად ციოდა ოთახში. ნავთქურაშიც გამოლეულიყო სანავაგი. ხახვი გაფცქენა, პურს მიაჭამა და ლოგინში შეგორდა. ჯერ იყო და ვერაფრით ფეხები ვერ გაიბო. ქვემოთ რომ ამოიკეცა, სიგრძეში არ გასწვდა საბანი, მერე ძველი, შეკონინებული, იმერეთის პეი-ზაჟივით აჭრელებული თხელი ქსოვილი ნაიფარა და მთელი დღის ნაჯაფს ჩასთვლიდა.

ცოტა ხნის შემდეგ კაკუნი მოისმა. იფიქრა, მომეჩვენაო, მაგრამ აჭრიალბულმა კარმა გამოაფხიზლა. კედლისკენ გადაბრუნებულმა მხარი იცვალა და...

კართან ლეიტენანტის ლამაზი ცოლი იდგა. თამადაფიფქული, ტუჩებდალურჯებული.

— ბიჭი?... — მეტი ვერ მოახერხა მაიმახმა და გამხმარი მუხლისთავი საბანში შემაღა.

— ბიჭი სამი დღეა წევს, — ისეთი სახით თქვა ქალმა, თითქოს წიგნში ნაკითხულ ამბავს ჰყვებო, ორი ნაბიჯი გადადგა და სანოლის ბოლოზე ჩამოჯდა.

მაიმახს შეახურა, მერე ტანში ცივიანივით გაბურძვლა და გაილურსა.

— მესამე დღეა... ქალმა მხრებზე მოხურული ქმრის შინელი მოიძრო და საწოლზე გადაკიდა.

— ცეცხლს დავანთებ... ამოილულულა ნირნამხდარმა მაიმახმა, მაგრამ მაშინვე ცარიელი სანავთე გაასხენდა და ხელები ჰაერში გაასავსავა, მერე ცალი თვალი ნაჰკრა, ლეიტენანტის ცოლმა აკანკალებული თითები როგორ გააპარა კაბის ღილებისაკენ, თავი სიზმარში წარმოიდგინა და საბანში ჩარგო.

ქალის სურნელმა აავსო იქაურობა, ისეთმა სურნელმა, დასიცხული კვირტი რომ ააბოლეს გაღვიძებისას.

თვალები მაგრად მოხუჭა, ისევ გაახილა და...

შიშველ მხრებს აქეთ-იქედან ჩამოჰყოლოდნენ დალალები.

ჯერ ქვემოთ არ ჩამოუცილებია მზერა. თავდახრილი წამოდგა, სანოლის ქვემოდან ზანდუკი გამოათრია, დაჭმუჭნული ფული ხელის ფათურით ამოაძვრინა, იატაკზე დაცურებული შინელი ხელის კანკალით აიღო (მოეჩვენა, ახლაც ოფიცრის ოფლის სუნით იყო გაჟღენთილი იგი), გახევებულ ქალს მხრებზე მოახურა, ფული ჯიბეში ჩაუტენა, მერე კარი გამოაღო და დათოვლილ გზას გახედა... როცა ლეიტენანტის ცოლი თოვლის ზვინებს მიეფარა, ძველთაძველ სარკეს ტილო ჩამოსხსნა.

ამ წუთში იგი ყველაზე ლამაზი მამაკაცი იყო.

ჰოლანდიელები სიქთარვაში, შთაბეჭდილებები და გეგმები...

„ქართველები ამჟამად თქვენი ქვეყნით და ხალხით, ერთმანეთით, ახლა დაგონებით, რომ მართლაც გქონიათ საამაყო“—ეს და კიდევ მრავალი საქებარი სიტყვა, სიქთარვაში მცხოვრებ, თემურ კვატაიას ოჯახში სტუმრად ჩამოსულმა ჰოლანდიელებმა თქვეს. სტუმრები კი, საქმიანი და წარმატებული ბიზნესმენები, ბელგიაში, ქმართან, ნესტორ ყაზაიშვილთან და ორ შვილთან ერთად მცხოვრებ თემურის ქალიშვილის, მარიამ (მარია) კვატაიას მეგობრები და ბატონი ნესტორის ბიზნეს პარტნიორები არიან.

ოჯახი, სადაც მარია, მისი ძმები ავთანდილი და ელიზბარი იზრდებოდნენ

სრული ორი წელი დასჭირდა ყაზახეთში, ქ. გურიევში დროებით სამუშაოდ წასულ თემურ კვატაიას მოეგო მშვენიერი ნატამა ჯაფაროვას გული, „მას სოვს ნატამასთან პირველი შეხვედრა, სადარბაზოს კიბეზე ჩამოდიოდა, მწვანე პალტო და მასთან შეხამებული ჩექმები ეცვა, ძალიან ახალგაზრდა და ლამაზი იყო, სკოლას ამთავრებდა“—მითხრა თემურმა. „მერე არ შეგრცხვია ამხელა კაცმა პატარა გოგოს რომ დაადგი თვალი?—ისე ვუთხარი, თითქოს 1977 წელს თემური თვითონაც

საჯარო სკოლაში მუშაობდა რუსული ენის მასწავლებლად, ახლახან ქუთაისის პედაგოგიური უნივერსიტეტი დაამთავრა, დიპლომიც აქვს და კვალიფიკაციაც, სხვადასხვა ქალაქებში მცხოვრებ აბიტურიენტებთან მუშაობს ონლაინ რეჟიმში. თემურს სოფლის ცენტრში, სახლთან ახლოს მარკეტი აქვს, დიდი სქელტანიანი ნისიების რვეულიც, რომელშიც მეც და სხვებიც მრავალჯერ მოხვედრილვართ.

ისედაც ძლიერ ოჯახს. სწორედ ამ ერთიანობამ, ოჯახურმა ტრადიციამ, უფროს-უმცროსობის წესმა მოხიბლა თურმე სტუმრები...

სტუმარი—ყველაზე სასურველი ქართველისთვის...

ახლა აღარავის უჭირს. თუ ადრეულ საუკუნეებში სოფელში შემოსული მოგზაურების პატივსაცემად, მთელი სამეზობლო აგროვებდა ხორაგს, ოჯახის წევრები ღია ცის ქვეშ იძინებდნენ და სტუმარს მიწურს უთმობდნენ, ახლა ეს აღარაა საჭირო და გადაწყვენილი კიდევ კვატაიები ელენა ტიულევას, რომელსაც ჰოლანდიაში ყვავილების საერთაშორისო ბიზნესი აქვს და ოქსანა ვერესინინას, რომელსაც ტრანსპორტის ექსპორტის ბიზნესი აქვს, ორივე მხარე—სიქთარველი ქართველები და ჰოლანდიელები ბიზნეს პარტნიორები არიან.

ქალბატონი ელენა და ოქსანა მარიაკამ 2018 წელს ქალთა საერთაშორისო ბიზნეს კონფერენციაზე გაიცნო და დამეგობრდნენ, მას შემდეგ გააფართოვეს ბიზნესი, ნესტორ ყაზაიშვილს მრავალი სახის ბიზნესებთან აქვს კავშირი, თემურის ბიჭებსაც...

გიდეები—ავთანდილი და ელიზბარი

ქალბატონები ოქსანა და ელენა იყვნენ თბილისში, ქუთაისში, რაჭაში, კახეთში, თერჯოლაში, გოგნში, ცხრაჯვარზე... „საიდან იცით ასე კარგად ქვეყნის და რაიონის ისტორია და ღირსშესანიშნაობა, ნამდვილი გიდეები ხართ“—უკვირდით თურმე. ჰოლანდიელ სტუმრებს ძალიან მოეწონათ ოჯახის ერთიანობა, ერთმანეთთან დამოკიდებულება, მრავალფეროვანი კერძები, ყველაფერი სახლის პირობებში დამზადებული და ნატურალური, ყველი, რძე, ხაჭო, მანონი... ელენასა და ოქსანას მაღალი შემოსავლები აქვთ, შეუძლიათ იყიდონ ის, რაც მოესურვებათ, მაგრამ მურაბები და ჯემები თან წაუღიათ.



ახალგაზრდა არ იყო. დიდი სიყვარული ქორწინებით დამთავრდა. მარია და ავთანდილი ყაზახეთში დაიბადნენ, 1991 წელს საქართველოში ჩამოვიდნენ და კიდევ ერთი შვილი გაჩნდა—ელიზბარი. ნატამას პედაგოგიური ინსტიტუტის დაწყებითი ფაკულტეტის სრული კურსი აქვს დამთავრებული, მაგრამ დიპლომი ვერ აიღო საქართველოში ჩამოსვლის გამო. ერთ ხანს სიქთარვის

ლიშვილები: ირაკლი, ნიკო, ანა, მარი, ელენე, ნატალი, ივა ოჯახის სიამაყეა. პატარები დილით, გათენებისთანავე ბაბუას მაღაზიაში აკითხავენ, მიაქვთ ყველაფერი, რაც უნდათ, მაგრამ ნისიების სიაში არ იწერებიან... დიდი და გამართული ოჯახი აქვს თემურს, ოჯახის ყველა წევრი ერთ ჭერქვეშ ცხოვრობს სიამტკბილობით, განუყოფლად, თითოეული ხვავსა და ბარაქას ჰმატებს მამაპაპისეულ



როგორც შევძლებ წარმოვაჩენ საქართველოს...

...ეს სიტყვები მარიაკამ თქვა, აგერ სიქთარვაში, ჩვენს გვერდით, ჩვენს თვალწინ გაზრდილი მშვენიერი გოგო, ბელგიაში წარმატებულად მოღვაწეობს და მომავალიც ნათლად და უკეთესად წარმოუდგენია. მარიაკა დიდ პატივს სცემს განათლების ღირებულებებს, მიაჩნია, რომ ქვეყნის სიძლიერე სწორედ თაობების განსწავლულობაზე დამოკიდებული—ჩვენ ვამაყოთ ქვეყნის ისტორიით, მისი გამორჩეული ადამიანებით, ისეთი კვალი უნდა დავტოვოთ ჩვენი-

დასამახსოვრებელი ფრაზა...

„იქ და არსად არავის ჭირდები, თუ შენი ქვეყნის და შენი ხალხის ფასი არ იცი, პირველად ქართველობა, საქართველო და მერე სხვა დანარჩენი“... საბედნიეროდ და საამაყოდ, ასე ჩამოყალიბდა მარიაკას შეხედულებები და აზროვნება დასავლეთ ევროპის ერთ-ერთ მაღალგანვითარებულ ქვეყანაში—ბელგიაში, განვილილ ორ ათეულზე მეტ წელიწადში... მარიაკა ფლობს რამდენიმე უცხო ენას, მაგრამ ქართულს ეთაყვანება, მის ოჯახში ყველაფერი ქართულია, ასე იქნება მომავალშიც.



ბიზნეს კავშირები ჰოლანდიელებთან

თაც იამაყონ მომავალმა თაობებმა. ვიყოთ ავთენტურობები, გვიყვარდეს ყველაფერი ნამდვილი, სარწმუნო, პირველწყაროზე დამყარებული... მე, როგორც დროებით საზღვარგარეთ მცხოვრები ერთი ქართველი, როგორადაც შევძლებ წარმოვაჩენ საქართველოს, ქართული ეროვნული სულით ვზრდიდი შვილებს, ასე იქნება მომავალშიც, რადგან მიყვარს ჩემი ოჯახი, ჩემი სოფელი, ჩემი ქვეყანა—ამბობს იგი.

ჰოლანდიელი ბიზნესმენები—ელენა ტიულევა, ოქსანა ვერესინინა, ავთანდილ და ელიზბარ კვატაიებთან ერთად გეგმავენ მოაწყონ იოგას ტურები მთელი ქვეყნის მასშტაბით, განსაკუთრებით ანტიტურესებთ მაღალმთიანი რაიონები, ფირმები უკვე ოფიციალურადაა რეგისტრირებული... მაგრამ, საქართველოში, იოგას ტურების სულისჩამდგმელები მაინც მარიაკა და ნესტორი, მათი შვილები იქნებიან.

რას აკეთებს მარიაკა იქ, ვეროპაში

...უმალესი განათლება, მრავალი ტიტული, აღიარება. იგი არის: იოგის მასწავლებელი კიერაის (KRI) საერთაშორისო ინსტიტუტში, ქოუნინგის ექსპერტი, კლინიკური ფსიქოლოგი, პირველი და მეორე საფეხურის რეიკის ოსტატი...

საუბრის დასასრულს

მადლობა თქვენ, რომ დაინტერესდით ჩემი სტუმრებით, თავისთავად ჩემით და ჩემი ოჯახით, წარმატებები ჩემს ქვეყანას, თერჯოლას, ჩემს მშობლიურ სიქთარვას, თქვენს ვახუთს.



შუშუნა ცხადაძე

მორიგი ტურნირი და ახალი გამარჯვებული დასრულდა ქართლოს ჭუმბურიძის სახელობის VIII ტურნირი მინი ფეხბურთში

რ აგვისტოს, თერჯოლის მუნიციპალიტეტის ბარდუბნის ადმინისტრაციული ერთეულის სოფელ სათემოს სტადიონზე დასრულდა ქართლოს ჭუმბურიძის ხსოვნისადმი მიძღვნილი VIII ტრადიციული ტურნირი მინი ფეხბურთში.

ტურნირის ბოლო დღეს გაიმართა ორი შეხვედრა. პირველ შეხვედრაში, მესამე ადგილისათვის ერთმანეთს დაუპირისპირდნენ ზედა სიმონეთის „ზედა სიმონეთი“ და ქვედა სიმონეთის „LMNTRIX“. ეს შეხვედრა უხვგოლიანი გამოდგა და იგი „ზედა სიმონეთმა“ მოიგო დიდი ანგარიშით 8:1 (3-0). მეტად დაძაბული და საინტერესო გამოდგა ფინალური შეხვედრა, სადაც ერთმანეთს ბარდუბნის „მერანი“ და ბარდუბნის „სათემო“ დაუპირისპირდნენ. ამ შეხვედრის ძირითადი დრო ფრედ 1-1 დასრულდა. პენალტებით კი ანგარიშით 4-1 გაიმარჯვა „სათემომ“, რომელმაც ამ ტრადიციული ტურნირის ფავორიტისა და ოთხგზის გამარჯვებული „მერანის“ ძლევით, პირველად მოიგო გარდამავალი თასი.

ფინალური შეხვედრის წინ უფასო მედია-ოფიცერმა მამუკა კვარაცხელიამ მასურებითა და საფეხურთო ბურთებით დაასაჩუქრა ზედა და ქვედა სიმონეთის საჯარო სკოლების პირველკლასელები, რომლებიც იქვე გაეჯიბრნენ ერთმანეთს და დიდი სიამოვნება მიანიჭეს იქ მრავლად შეკრებილ მშობლებს და ფინალური შეხვედრისათვის

და ტაშით ამხნევებდა ფეხბურთელებს. ტურნირის მონაწილეებს სიტყვით მიმართეს ირფფ-ს პრეზიდენტმა დავით რუხაძემ, დეკანოზმა ამირან ქარქაშაძემ და სხვა გამომსვლელებმა. მათ ისაუბრეს ტურნირის მნიშვნელობაზე, ქართლოს ჭუმბურიძის პიროვნების გამორჩეულობაზე, მის ქველმოქმედებასა და

სით, შესაბამისი მედლებითა და დიპლომით. გამარჯვებულებს გარდამავალი თასი, პრიზები და მედლები გადასცეს ქართლოს ჭუმბურიძის ვაჟმა კახა ჭუმბურიძემ და უფასო მედია-ოფიცერმა მამუკა კვარაცხელიამ.

II ადგილი „მერანი“ ბარდუბანი.

მეორე ადგილის მფლობელები დაჯილდოვდნენ შესაბამისი თასით, მედლებითა და დიპლომით. პრიზები გადასცა ირფფ-ს პრეზიდენტმა დავით რუხაძემ.

III ადგილი „ზედა სიმონეთი“.

მესამე ადგილის მფლობელები დაჯილდოვდნენ შესაბამისი თასით, მედლებითა და დიპლომით. პრიზები გადასცა მუნიციპალიტეტის საკრებულოს მაჟორიტარმა დეპუტატმა გორა ვერულაშვილმა.

ასევე დაჯილდოვდნენ მსაჯეები და ტურნირის გამორჩეული ფეხბურთელები, რომლებსაც გადაეცათ ინდივიდუალური პრიზები.

მსაჯეები—გიორგი სოლოლაშვილი, მიხეილ კუპატაძე, ბექა კუნჭულია დაჯილდოვდნენ ბურთებით, რომლებიც მათ ირფფ-ს საშეჯიბრებო უფროსმა მენეჯერმა ნუგზარ რუხიშვილმა გადასცა.

საუკეთესო მეკარე—ზაზა სამანიშვილი („სათემო“) პრიზი გადასცა ქართლოს ჭუმბურიძის მეგობარმა ლევან ჯაფარიძემ.

საუკეთესო მცველი—ვახტანგ ფუტყარაძე („სათემო“) პრიზი გადასცა ირფფ-ს პრეზიდენტმა დავით რუხაძემ.

საუკეთესო თავდამსხმელი—დათო ვერულაშვილი („ზედა სიმონეთი“) პრიზი გადასცა დეკანოზმა ამირან ქარქაშაძემ.

საუკეთესო ბომბარდირი—ლაშა კეხევაძე („მერანი“) პრიზი გადასცა უფასო მედია-ოფიცერმა მამუკა კვარაცხელიამ.

ფინალური მატჩის საუკეთესო ფეხბურთელი—ლუკა ცირეკიძე („სათემო“). პრიზი გადასცა ირფფ-ს საშეჯიბრო უფროსმა მენეჯერმა ნუგზარ რუხიშვილმა.

საუკეთესო ფეხბურთელი—დიმა არეშიძე („მერანი“) პრიზი გადასცა ირფფ-ს გენერალურმა მდივანმა გივი ბაბუნიძემ.

სპეციალური პრიზებით დაჯილდოვდნენ—ელგუჯა აბულაძე და ოთარ ჭუმბურიძე—პრიზები გადასცა უფასო მედია-ოფიცერმა მამუკა კვარაცხელიამ.



მოსულ ფეხბურთის მოყვარულებს.

ფინალურ შეხვედრას ესწრებოდნენ ბარდუბნისა და ენრის ადმინისტრაციული ერთეულების მაჟორიტარი დეპუტატი მუნიციპალიტეტის საკრებულოში გორა ვერულაშვილი, დეკანოზი მამა ამირან ქარქაშაძე, სათემო

ორგანიზატორულ ნიჭზე, ქართული ფეხბურთის უანგარო მსახურებაზე. გამომსვლელებმა მაღლობა გადაუხადეს და წარმატებები უსურვეს ტურნირში მონაწილე გუნდებს, გულშემატკივრებს, ტურნირის ორგანიზატორებს.

აქვე, საფეხურთო სტადი-



ონზე გაიმართა დაჯილდოების ცერემონიალი. ტურნირის პრიზიორები გახდნენ: I ადგილი „სათემო“ ბარდუბანი. II ადგილის მფლობელები დაჯილდოვდნენ გარდამავალი თასით, პირველი ადგილის თ-

ასევე დაჯილდოვდნენ მსაჯეები და ტურნირის გამორჩეული ფეხბურთელები, რომლებსაც გადაეცათ ინდივიდუალური პრიზები.

ფინალური მატჩის საუკეთესო ფეხბურთელი—ლუკა ცირეკიძე („სათემო“). პრიზი გადასცა ირფფ-ს საშეჯიბრო უფროსმა მენეჯერმა ნუგზარ რუხიშვილმა.

P.S. ქართლოს ჭუმბურიძის სახელობის მორიგი ტურნირი ამჯერადაც საინტერესოდ და ორგანიზებულად ჩატარდა. ტურნირის ორგანიზატორებში, მონაწილეებსა და გულშემატკივრებში უკვე მომნიჭდა აზრი, რომ საჭიროა ტურნირის მონაწილეთა გეოგრაფიის გაფართოება, მისთვის უფრო ფართო მასშტაბის მიცემა, რისთვისაც აუცილებელია სოფელ სათემოს საფეხბურთო სტადიონის სრული რეაბილიტაცია... (რედ.)

იზო აბულაძე



გარდაიცვალა ჩვენი გაზეთის ყოფილი ბუღალტერი, ქალბატონი იზო აბულაძე. დასაწვინა, ათეულ წლობით ერთად ვსაქმიანობდით, ერთი საზრუნავი გვქონდა. გარკვეული სირთულეების მიუხედავად, ვახერხებდით გვეკეთებინა გაზეთი—ახალ ამბავთა მაუწყებელი. ყოველდღიური ცხოვრების ამსახველი და მომავლის ორიენტირი.

იზო აბულაძე გამორჩეული იყო ადამიანური ღირსებით, მინდობილი საქმისადმი ერთგული დამოკიდებულებით. ჩვენ ერთად გამოვიარეთ ფინანსური ძნელებების მიძიმე წლები. არათუ მცირე ხელფასიანი, უხელფასო თვეებიც კი შემორჩა ჩვენს მესხიერებას. მაინც გაუფიქრებელი, ყველაზე ერთად შევუხარხურეთ საზოგადოებას კეთილი მაცნე.

მაღლობას უფხდით ჩვენს „მეკუჭნავებს“, ანუ რედაქციის შემოსავალ-გასავლის დამთვლელ-მონაგარიშეს! ვუსამძიმრებთ მის მეუღლეს ბატონ ვენოს, პროფესიით ავტოინჟინერს, რომელიც წლების განმავლობაში თერჯოლის მანქანატრაქტორთა სადგურის სამექანიზაციო სამსახურს განაგებდა.

ასევე ვუსამძიმრებთ მათ ვაჟიშვილს, გიორგის, მომავალ მეუღლესთან ერთად მან უნდა შეძლოს მშრომელი ოჯახის ტრადიციების გაგრძელება, გვეჯერა, ასეც იქნება.

უფლის ნებით ხსენებულ ოჯახში კვლავაც იხარებს სიკეთის ნერგი.

ნათელი ადგეს ადამიანის ხსოვნას, რომელიც ყველას დაგვაკლდა და გული დაგვცვიტა.

გაზაფთი „თარგოლა“

ნუნუ აბულაძე—90

ღვანულამოსილი პედაგოგი, მოსწავლე-ახალგაზრდობის მრავალ თაობათა აღმზრდელი, მრავალი ჯილდოს მფლობელი, თერჯოლის საპატიო მოქალაქე ნუნუ აბულაძე 10 აგვისტოს 90 წლის ვახდებოდა...

გილოცავთ ნუნუ მასწავლებელ თქვენს დღეს, იმის განცდითა და იმედით, რომ თქვენს მარადიულ განსასვენებელს მუდამ გააბრწყინებს უფლის ნათელი... თქვენი სული კი ჰპოვებს შვებასა და სასოებას იმ დიდი თქვენსმიერი საქვეყნო საქმის სანაცვლოდ, რასაც მთელი ცხოვრების, მათ შორის 52 წლის პედაგოგიური მოღვაწეობის მანძილზე მსახურებდით და ასხივოსნებდით.



თქვენი სახით თერჯოლამ დაკარგა ერთი უაღრესად გამორჩეული ქალბატონი, ყველა საუკეთესო ღირსებით შემკული მოქალაქე, რომელიც მუდამ იმ პრობლემათა ჯაჭვის ფერხულში იდევით, აგრერივად, რომ მოსაფრთხილებელი, მტკივნეული და საჭირობოროტო იყო ჩვენი მრავაჭირნახული სამშობლოსათვის...

დაახ, სამშობლო იყო თქვენი ხატი... მისი წარსული აწმყო და მომავალი. ამ ხატზე ფიქრით სანთელივით იწვოდით, ლელავდით, ფორიაქობდით... უკეთეს ხვალისდღე დღეზე ოცნებობდით...

დრო გადის და ფიქრობ, დიდი ტკივილი და დანაკლისია თქვენი წასვლა არა მხოლოდ თქვენი შვილების, შვილიშვილებისა თუ ახლობლებისათვის, არამედ თქვენი უამრავი მოსწავლისათვის, ნაცნობ-მეგობრისათვის. დარწმუნებული ვარ ერთნაირად გვაკლიხართ ყველას უკეთილშობილესო ქალბატონო, თქვენი სილამაზით, აქტიურობით, გამორჩეული ყურადღებითა და სიყვარულით, მოფერებით, არჩევნულბრძოლი აზროვნებით, მოქალაქეობრივი პოზიციით, განსაკუთრებული მიმართვით: „შვილო“... ეს ძალიან მრავლისმთქმელი სიტყვა დღესაც ყურში ჩავგვეხმის და ათას მაღლობას გიხდით ყველას სახელით, ვისთვისაც თუნდაც ერთხელ ასე მიგიმართავთ... თქვენ მხოლოდ მასწავლებელი არ იყავით, არამედ—მეორე მშობელი, რომელსაც შეგეძლო თითოეულის ტკივილი თუ პრობლემა გულთან მიგეტანა და პირიქით, თითოეულის სიხარული თუ წარმატება საკუთარ სიხარულად გვეცია.

ერთხელ მომხერეთ: „მშობლების სიცოცხლე გრძელდება შვილებში, მასწავლებლისა კი მოსწავლეებში“—ჭმუხარიტად ასეა. თქვენი სიცოცხლე გრძელდება, გრძელდება მტკივნეულ, თუმცა, ლამაზ მოგონებებში თქვენი ოჯახისა თუ უამრავ მოსწავლეთა ხსოვნაში.

აკლიხართ გაზეთ „თერჯოლას“ ნუნუ მასწავლებელი. თქვენი შეხმანება, გამობზაურება, შექება თუ შენიშვნა მნიშვნელოვანი გზამკვლევი იყო თითოეული რედაქციელისათვის.

დაახ, გამორჩეული მკითხველიც იყავით და შემფასებელიც, კორექსონდენტიც, მეგობარიც და მრჩეველიც... მაღლობა ყოველივე ამისათვის.

თქვენს მიერ ღირსეულად განვლილი გზა, თქვენ მეუღლესთან ერთად, ასევე უაღრესად კეთილშობილ ადამიანთან ბატონ ანტონ ჩაფინაძესთან ერთად, გზას გაუკვალავს და უწინამძღვრებს თქვენს საუკეთესო შვილ-მომავალს. ისინი, რომლებიც ღირსეულად აგრძელებენ სწავლა-განათლებისა და კაცურკაცობის, სამაგალითო ცხოვრების წესის თქვენეულ, ოჯახურ ტრადიციებს, მუდამ იამაყებენ თქვენით...

ჩვენც ვამაყობთ თქვენით... ნათელში იყოს თქვენი ლამაზი სული...

ზინა ციციშვილი

გაზეთ „თერჯოლას“ რედაქციის თანამშრომლები ღრმა მწუხარებაში თანაუგრძობენ ციკო პაპიძეს და ვალერიან გოგიაშვილს მამისა და სიმამრის **პანტაზა პაპიძის** გარდაცვალების გამო.

გაზეთ „თერჯოლას“ რედაქციის თანამშრომლები სამძიმარს უცხადებენ თეა და ეკა რიფაძეებს მამის **რომან რიფაძის** გარდაცვალების გამო.

ჩვენი ფოლკლორული ანსამბლები საზაფხულო ფესტივალებზე

გადაუჭარბებლად შეიძლება ითქვას, რომ თუკი რომელიმე სფეროში მიღწეული წარმატებებით თერჯოლელებმა უნდა ვიამაყოთ, ერთ-ერთი ნამდვილად კულტურის სფეროა.

სიმღერებისა და ცეკვის ფოლკლორული ანსამბლები „იმერეთი“—ხელმძღვანელი გულთამაზე კუბლაშვილი, „მასპინძელი“—ხელმძღვანელი ინეზა ბუცხრიკიძე, ქალთა ანსამბლი „იამე“—ხელმძღვანელი გულთამაზე კუბლაშვილი, ქორეოგრაფიული ანსამბლი „იმერეთი“—ხელმძღვანელები ირინა ბუცხრიკიძე, გოჩა და გიორგი ჭანკვეტაძეები არა მხოლოდ თერჯოლაში და სრულიად საქართველოშია ცნობილი, არამედ მათი სახელები კარგა ხანია გასცდა ქვეყნის ფარგლებს და მსოფლიოს სხვადასხვა საერთაშორისო ფესტივალებში წარმატებული მონაწილეობით დიდი აღიარებაც მოიპოვეს.

დიახ, თერჯოლელი შემსრულებლები, მომღერალთა და ქორეოგრაფიული ანსამბლები, რომ არავის არსად ტოლს არ უდებენ, ეს მათ არაერთხელ დაადასტურეს. ასე მოხდა წლებად წაფხულსაც.

მსოფლიო პანდემიით გამოწვეული „დაპაუზება“ კულტურის სახლთან არსებულმა სიმღერებისა და ცეკვების ანსამბლებმა დაძაბული მუშაობით მალევე აინაზღაურეს, კვლავ ჩვეულ ფორმაშიც ჩადგნენ და ისევ ისე დაიპყრეს მონატრებული სცენა როგორც სჩვევიათ...

მიმდინარე წელს ფოლკლორის სახელმწიფო ცენტრი, საქართველოს კულტურის, სპორტისა და ახალგაზრდობის სამინისტროს მხარდაჭერით ატარებს ქვეყნის მასშტაბით საქართველოს ფოლკლორის ეროვნულ ფესტივალს—ხალხური რენვის ტრადიციული დარგების აღორძინებისა და პოპულარიზაციის მიზნით, ასევე სახალხო მთქმელების, ნიჭიერი ინდივიდუალური შემსრულებლებისა და შემოქმედებითი კოლექტივების საქმიანობის აღწერის, ფოლკლორის სხვადასხვა სფეროს წარმომადგენლების გამოვლენისა და პოპულარიზაციის მიზნით. აღნიშნულიდან გამომდინარე უკვე ჩატარდა საქართველოს ფოლკლორის ეროვნული ფესტივალის პირველი ტური.

30 მაისს საქართველოს ფოლკლორის ეროვნული ფესტივალის პირველ ტურს თერჯოლის მუნიციპალიტეტმა უმასპინძლა. აქ, თერჯოლის ფოლკლორულ კოლექტივებთან ერთად, წარმოდგენილი იყვნენ ტყიბუ-

ლისა და ხარაგაულის მუსიკალური და ქორეოგრაფიული კოლექტივები, ინდივიდუალური შემსრულებლები, სახვითი და გამოყენებითი ხელოვნების ოსტატები, სახალხო მთქმელები, ავტორმთქმელები და ფოლკლორული ნიმუშების შემკრებლები.

ფოლკლორის სახელმწიფო ცენტრიდან მოვლენილ საორგანიზაციო ჯგუფს. კულტურის სამსახურმა, კულტურის ცენტრმა და კულტურის სახლმა ყველა პირობა შეუქმნეს წარმატებული მუშაობისათვის.

საორგანიზაციო ჯგუფის წევრებმა კოლექტივების დათვალიერებასთან ერთად შესაბამისი დარგების მიხედვით მოახდინეს მასტერკლასების ჩატარება, პროფესიული შენიშვნებისა და მითითებების მიცემა თითოეული შემსრულებლებისათვის.

როგორც „თერჯოლასთან“ კულტურის სახლის დირექტორმა ლია ბუსკივაძემ, აღნიშნა ფესტივალის საორგანიზაციო ჯგუფების მიერ მონონებული იქნა თერჯოლის კულტურის სახლთან არსებული შემოქმედებითი კოლექტივების საქმიანობა და I ტურში წარდგენილი ნომრები, აგრეთვე ხალხური რენვის ნიმუშები, ხათუნა გურულის, ანა გოგიაშვილის, გელა დათიაშვილის ნამუშევრები, რამაც განაპირობა მათი გადასვლა მეორე ტურში, რომელიც მიმდინარე წლის ოქტომბერში გაიმართება.

წარმატებული იყო თერჯოლელი მუსიკალური და ქორეოგრაფიული ანსამბლების მონაწილეობა „არტგენი-22-ზე“ ქ. თბილისში. მონაწილეობის გარდა ჩვენმა შემოქმედებებმა კოლექტივებმა ფესტივალის ორგანიზატორთა დაკვეთით წარმოადგინეს 40 წუთიანი კონცერტი და დიდი მონონება და აპლოდისმენტები დაიმსახურეს.

„არტგენზე“ თერჯოლელთა კონცერტის შემდეგ 1 საათიანი კონცერტი გამართეს „სუხიშვილებმა“, ილიკო და ნინო სუხიშვილების ხელმძღვანელობით, რომლის ნახვის საშუალება გვქონდა...კონცერტმა დიდი აღფრთოვანება გამოიწვია, როგორც ჩვენი, ისე იქ დამსწრე საზოგადოებისა.

აღნიშნულ ღონისძიებებზე ჩვენი ანსამბლების წარმატებულმა გამოსვლამ განაპირობა პარლამენტარ ელისო ბოლქვაძის ინიციატივით მოწყობილ შავი ზღვის საერთაშორისო ფოლკლორულ ფესტივალში მინვევა, რომელიც 27 ივლისს ქ. ბათუმში გაიმართა.



ფესტივალზე სრულად იყვნენ წარმოდგენილი კულტურის სახლთან არსებული სიმღერებისა და ცეკვის ანსამბლები და მასთან ერთად ხალხური რენვის ნიმუშები. საგამოფენო სივ-

რცეს ამშვენებდა თერჯოლის მოსწავლე-ახალგაზრდობის მუნიციპალური ცენტრის პედაგოგების: ხათუნა გურულის, ანა გოგიაშვილის, გელა დათიაშვილის თეკა გობელენის, ქარგვისა და საიუველირო ნაკეთობათა ნიმუშები.

თერჯოლელმა მომღერალ-მოცეკვავეებმა, როგორც ამბობენ, სული და გული ჩადეს თითოეულ ნომერში და უამრავი ქართველი თუ უცხოელი მაყურებლის ალტაცება და მონონებაც დაიმსახურეს.

ფესტივალის თერჯოლელ მონაწილეებს: მომღერალთა და მოცეკვავეთა ანსამბლებს „იმე-

რეთს“, „მასპინძლოს“, „იამეს“, „იმერეთს“ და მათ ხელმძღვანელებს გულთამაზე კუბლაშვილს, ინეზა ბუცხრიკიძეს, გოჩა ჭანკვეტაძეს და ირინა ბუცხრიკიძეს წარმატებული მონაწილეობისათვის, ასევე ხათუნა გურულს, ანა გოგიაშვილს, გელა დათიაშვილს ფესტივალის ორგანიზატორმა მადლობა გადაუხადა...

ახლა ფოლკლორული ანსამბლები ინტენსიურად ემზადებიან საქართველოს ფოლკლორის ეროვნული ფესტივალის მეორე, დასკვნით ტურში სანიმუშო გამოსვლისათვის...

გოჩა ცაიფურიშვილი



შპს „თარჯოლა“		კორესპონდენტები:		აიწყო და დაკაბადონდა რედაქციის კომპიუტერულ ცენტრში		ჩვენი რეკვიზიტები:	
გამომცემელი	მთავარი რედაქტორი	ნ. გამყრელიძე—555 78 08 55	ო. მარუაშვილი—0(491) 22 15 16	მისამართი:		„ლიბერთი ბანკი“	
ვალერიან გოგიაშვილი	დავით კლდიაშვილი	ჟ. ცხადაძე—558 90 82 55	მ. ცქიფურიშვილი—555 28 11 41	ქ. თერჯოლა, კოსტავას ქუჩა №2		LBRTGE22,	
599 92 49 75	599 91 24 14			დაიბეჭდა ქუთაისის		ანგარიში	
სარედაქციო კოლეჯია				შპს „სომელი ენ“-ის სტამბაში		GE32LB0113133960124000	
რეგისტრაციის №53/5/ზ-22	გამოდის თვეში ორჯერ	ელ-ფოსტა: gazetiterjola@mail.ru		ქუთაისი, ჭავჭავაძის გამზ. №33		ს/კ 231948872	